

Մ. Կ. ԶՈՒԼԱԶԱՆ, ԱՐԵՄՈՅԱՆ ՀԱՅԱՍՏԱՆԵՐ XVI—XVIII դդ., ՀՍՍՀ ԳԱ
Հրատարակություն, Երևան, 1980, 425 էջ:

XVI—XVIII դդ. Արեւմտյան Հայաստանի պատմության մասին եղած սակավաթիվ ուսումնասիրությունները վերաբերում են հիմնականում տվյալ ժամանակահատվածի առանձին հարցերի կամ կողմերի լուսաբանմանը: Ամբողջության մեջ վերցրած այդ դարերի արեւմտահայ կյանքը խիստ թերի է մշակված: Հայ պատմագիտության այս բացը լրացնելու աշխատանքն իր վրա է վերցրել Մ. Զուլալյանը, որը երկար տարիներ զբաղվելով Արեւմտյան Հայաստանի XVI—XVIII դդ. պատմության հետազոտմամբ, ընթերցողի սեղանին է դրել իր աշխատանքի հանրագումարը կազմող գրախոսվող մենագրությունը: Դրանով իսկ զգալիորեն ամբողջականացվեց արեւմտահայության կյանքի տվյալ ժամանակահատվածի պատմությունը: Այս իրողությունը պայմանավորված է հեղինակի, հատկապես բազմալեզու և տարարնույթ սկզբնաղբյուրները քննադատորեն օգտագործելու հմտությամբ: Պետք է նշել, որ խնդրո առարկա գիրքը արեւմտահայերի պատմությունը չէ միայն, Բազմաթիվ պրոբլեմներ հեղինակը հետազոտել է Մերձավոր արեւելքի, Առաջավոր Ասիայի, Արեւմտյան Նվորդայի և Ռուսաստանի պատմության համապատասխան ժամանակաշրջանի հարցերի հետ սերտորեն աղերսված:

Գրախոսվող աշխատությունը կազմված է ներածությունից և հետևյալ չորս գլուխներից. 1. Արեւմտյան Հայաստանի քաղաքական վիճակը XVI—XVIII դդ., 2. Զալալիների շարժումը և հայ ժողովրդի վիճակը Օսմանյան կայսրության մեջ, 3. Սոցիալ-տնտեսական հարաբերություններն Արեւմտյան Հայաստանում XVI—XVIII դդ., 4. Ազատագրական շարժումներն Արեւմտյան Հայաստանում XVI—XVIII դդ.: Գրքի վերջում տրված են օգտագործված աղբյուրների ու գրականության, անձնանունների ու տեղանունների ցանկեր:

Մ. Զուլալյանի աշխատությունը գրված է բազմալեզու հարուստ նյութերի հիման վրա, որոնց հակիրճ քննական վերլուծությունն ու արժեքավորումը տրված է ներածության մեջ, Այնտեղ գնահատված են նաև այն բոլոր ուսումնասիրությունները, որոնք այս կամ այն չափով աղերսվում են խնդրո առարկա պրոբլեմին:

Աշխատության առաջին գլխում քննության առարկա է դարձել տվյալ ժամանակաշրջանի թուրք-պարսկական պատերազմների ու արշավանքների հետևանքով Արեւմտյան Հայաստանում առեղծված մղձավանջային իրադրությունը: Խոսքը ռազմական թուրքոզի ոլորտն ընկած խաղաղ բնակչության կրած տառապանքների ու զրկանքների մասին չէ, այլ այն մասին, որ պատերազմող կողմերը, գտնվելով «ֆեոդալիզմի զարգացման ամենացածր՝ բարբարոսական աստիճանի վրա» (Վ. Մարքս), նվաճված շրջանների խաղաղ ազգաբնակչությանը (մասնավորապես հայ) դիտում էին որպես իրենց ռազմատեսակ կարիքները բավարարելու կոչված մի տարր, չխնայելով ո՛չ տեղի բնակչության արժանապատվությունը, ո՛չ կյանքը և, առավել ևս, կայքը:

Մեր կարծիքով, հեղինակը ճիշտ վարված է կլինել, եթե արեւմտահայերի հասարակական կյանքին նվիրված էջերը (իսկ դրանք ցրված են ամբողջ գրքով մեկ) ի մի բերել և ամփոփել առանձին գլխում:

Արեւմտյան Հայաստանի ազգաբնակչության գլխին իսկական պատուհաս էր ջալալիների շարժումը, որի ծագման պատճառներին և ընթացքին է նվիրված գրախոսվող աշխատության երկրորդ գլուխը: Հեղինակը ճիշտ է, գտնելով, որ ջալալիների շարժումը գլխավորում էին մանր ու միջին ֆեոդալները՝ իրենց զորավիճ դարձնելով ապառասկարգայնացված տարրերին: Ուրեմն այդ շարժումը ոչ այնքան դասակարգային, որքան ներդասակարգային պայքար էր իշխող թուրք ֆեոդալների միջև, որին հարել էին ազատարկապորտ թափառաշրջիկները, որոնք դարձան ջալալի ապստամբների հիմնական շարժիչ ուժը» (էջ 142):

Գրախոսվող աշխատության արժեքավոր մասն է Արեւմտյան Հայաստանի սոցիալ-տնտեսական հարաբերությունների վերլուծությանը նվիրված երրորդ գլուխը: Բազմաբնույթ աղբյուր-

ների հմուտ օգտագործումը և քննախույզ վերլուծությունը Մ. Զուլայանին հնարավորություն են տվել ներկայացնելու Արևմտյան Հայաստանում գոյություն ունեցող սոցիալ-տնտեսական հարաբերությունների իրական պատկերը, ուրվագծելու այդ հարաբերությունների զարգացման միտումները, բացահայտելու դրանց հետամնաց ու վայրագ էությունը, Հանգամանորեն քննադատելով հողատիրության և հողօգտագործման ձևերը, տարատեսակ հարկերն ու տուրքերը, որոնց գանձումը, որպես կանոն, ուղեկցվում էր հայ աշխատավորության նկատմամբ գործադրվող կամայականություններով, բռնություններով ու շարաշահումներով, հեղինակը ներկայացնում է հայ հարկատուի անմխիթար վիճակը՝ որպես թուրք նվաճողների կողմից հայ ֆեոդալական հասարակարգին պարտադրված խորթ ու զարգացման ցածր մակարդակի վրա գտնվող սոցիալ-տնտեսական հարաբերությունների արդյունք։ Իսկ եթե սոցիալական լծին ավելացնենք նաև ազգային այն անլուր ճնշումները, որ հայ ժողովրդի նկատմամբ կիրառում էին թուրք նվաճողները, միտելով ոչնչացնել ազգային անկախության ձգտող արևմտահայության ուժերը, ապա հասկանալի կդառնա այդ շրջանում առկա սոցիալ-տնտեսական հարաբերությունների և քաղաքական կարգի կորստաբեր լինելը մեր ժողովրդի արևմտյան հատվածի համար։ Իրավացի է հեղինակը, գտնելով, որ «Օսմանյան տիրապետությունը ոչնչով չնպաստեց Հայաստանի այս մասերի զարգացմանը» (էջ 311)։ Բայց ասված է մեղմ. իսկն այն է, որ այդ տիրապետությունը կործանարար եղավ հայ ժողովրդի արևմտյան հատվածի համար։

Առանձնակի հետաքրքրությամբ է կարդացվում գրախոսվող աշխատության շորորոգ գլուխը, որը նվիրված է Արևմտյան Հայաստանում XVI—XVIII դդ. տեղի ունեցած աղատագրական շարժումներին, Հայտնի է, որ XVI—XVII դդ. արևմտահայ ազատագրական մտքի ու պայքարի լուսաբանման ուղղությամբ զգալի աշխատանք է կատարվել, սակայն նույնը չի կարելի ասել XVIII դ. մասին։ Այդ հարցն ամբողջական ուսումնասիրության առարկա է դարձել միայն Մ. Զուլայանի մենագրության մեջ, շնորհիվ սկզբից նշենք, որ հեղինակը սահմանազատում չի կատարել արեւելահայ և արևմտահայ ազատագրական շարժումների միջև, այլ դրանք դիտել ու քննել է մեկ ամբողջության մեջ, որպես համեղհանուր ու համահայկական երևույթ։ Նա ցույց է տվել Արևմտյան նվորպալում հայ աղատագրական շարժման գործիչների դժգոհումների անհեռական լինելը և այդ շարժման կողմնորոշման էվոլյուցիան դեպի Ռուսաստան։

Գրախոսվող աշխատության անուրանալի արժանիքներից է նաև այն, որ այն զրգված է արժարժվող հարցերի շուրջ արդի թուրք բուրժուական պատմագիտության մեջ տիրապետող հակագիտական դրույթների ու կեղծիքների մերկացման դիրքերից։ Մ. Զուլայանը լուրջ փաստարկներով բացահայտում է նաև թուրքական ազդուրների միտումնավորությունը։

Մենագրությունը, սակայն, զերծ չէ մասնակի թերություններից, անհաշու ձևակերպումներից, նշենք դրանցից առավել աչքի զարնողները։ Խոսելով թուրք-պարսկական պատերազմների հետևանքով Արևմտյան Հայաստանին հասած ավերածությունների մասին, հեղինակը գրում է. «1551 թ. կղզբաշները կրկին հարձակվեցին Արևմտյան Հայաստանի ու Քրդստանի վրա՝ ավերելով ու ամայացնելով երկիրը» (էջ 42)։ Այստեղ, սակայն, տուժած թվարկված վայրերը բուն հայկական հիմնվուրց բնակավայրեր են և ոչ մի առնչություն չունեն Քրդստանի հետ։ Անհրաժեշտ էր այստեղ և այլուր հստակ տարբերակել Արևմտյան Հայաստան պատմա-աշխարհագրական կոնկրետ հասկացողությունը Քրդստան կամ թուրքական Քրդստան հասկացողությունից։ Նույն բնույթի վրիպում ենք համարում հետևյալ ձևակերպումը. «Գրավելով Արևելյան Հայաստանի մի զգալի մասնու Նախիջևանը, թուրքերը ստիպված եղան դադարեցնել բանակի հետագա առաջխաղացումը...» (էջ 45)։ Ակնհայտ է, որ հեղինակը նման ձևակերպումով մեղանշում է պատմական ճշմարտության առջև՝ Նախիջևանը անցրպիտելով Արևելյան Հայաստան հասկացողությունից։

Անշուշտ, ճիշտ է հեղինակը, երբ գրում է, թե թուրքիան աշխատում էր Իրանին թույլ շտալ Ռուսաստանի հետ ընդհանուր ճակատ կազմել իր դեմ։ Ուսկայն մի՞թե թուրքիայի այդ ձգտումը պետք է բացատրել Ռուսաստանից սպառվող վտանգով, վտանգ, որ իբր կարող էր սպառնալ թուրքիայի շահերին Անդրկովկասում։ Այն ժամանակներից, երբ 1557 թ. Ռուսաստանի կազմի մեջ մտավ Կարաբաղան, ռուսական արտաքին բաղադրականությունը մտահոգված էր զխալվորապես ոչ թե Անդրկովկասով, այլ իր հարավային սահմանների պաշտպանությամբ, հատկապես այն բանից հետո, երբ 1475 թ. Ղրիմի խանությունը դարձել էր թուրքիայի վասալը։ Հետևաբար, եթե անգամ ռուսական արտաքին քաղաքականությունն ուրվագծում էր Սև ու Կասպից ծովերի միջև ընկած տարածքը գրավելու որևէ հեռանկար, ապա դա չի կարող չգիտվել ար-

տարին խիստ ակտիվ թաղաքականության հետ, թաղաքականություն, որը շոշափելի դարձավ բավականին ուշ՝ XVII դ. վերջերին:

Մեր մյուս դիտողությունը վերաբերում է հեղինակի այն մտքին, թե իբր 1768—1774 թթ. ընթացքում Արևմտյան Հայաստանում նկատվող ազգային-ազատագրական խմորումները սոսկ այն պատճառով ցանկալի ավարտ չունեցան, «քանի որ Տոտլբենի ղեկավարը Կովկասում անհայտության հանդիպեցին» (էջ 393): Նկատենք, նախ, որ պատերազմի տարիներին խիստ սահմանափակ ուսական դորթ մտցնելով Վրաստան, ուսական կառավարությունը շատ ավելի համեստ նպատակներ էր հետապնդում, քան կցանկանային թուրքական լծի տակ հեծող ժողովուրդները: Երկրորդ, XVIII դ. ուսական արտաքին թաղաքականության համար կենսական նշանակություն ունեին Ղրիմի և Արևմտյան Ուկրաինայի ու Արևմտյան Բելոռուսիայի՝ իրենց հրատապ լուծումը պահանջող խնդիրները, ուստի և այդ տարիներին հնարավոր չէր նշված ժողովուրդների ազատագրական ոգորումների լծորդումը ուսական զենքին և դրա աջակցությամբ թուրքերի գերիշխանությունից ձերբազատվելը:

Մի շարք տեղանուններ ու անձնանուններ տրված են ո՛չ իրենց ավանդական՝ հայկական, ձևերով, այլ՝ թուրքական կամ պարսկական:

Կարծում ենք, որ խիստ շահեկան կլինեն, եթե XVI—XVIII դդ. Արևմտյան Հայաստանի պատմությանը նվիրված սույն մենագրությունը ստվարանար ի հաշիվ տվյալ ժամանակաշրջանի արևմտահայ մշակույթի պատմության բաժնի:

Չնայած նշված դիտողություններին, Մ. Զուլայանի մենագրությունը ամբողջությամբ առած լուրջ ներդրում է սովետահայ պատմագիտության մեջ:

ՎԱՀՐԱՄ ՄԱՐՏԻՐՈՍՅԱՆ

Պատմական գիտությունների թեկնածու.

ԱՂԱՎՆԻ ՈՒԹՈՒՋՅԱՆ